



Aningaasaliinermut killissaliussanut isumaqatigiissut

Kalaallit Airports International A/S pillugu

IMAASA ALLASSIMAFFIAT

| | | |
|-----|--|----|
| 1. | NASSUIAATIT | 3 |
| 2. | TUNNGAVIUSOQ AAMMA SIUNERTAQ | 6 |
| 3. | INGERLATSEQATIGIIFIMMI ANINGAASAATINUT TUNNGASUT | 7 |
| 4. | ISUMAQATIGIISSUTIP NAAMMASSINEQARNISSAANUT PIUMASAQAATIT | 8 |
| 5. | NAALAGAAFFIUP AALLARNIUTAASUMIK ANINGAASALIINERA | 9 |
| 6. | PIVIUSUNNGORTITSINEQ | 9 |
| 7. | TAMATUMA KINGORNA ANINGAASALIINERIT | 11 |
| 8. | TAARSIGASSARSINISSAMUT ISUMAQATIGIISSUT | 12 |
| 9. | SIOQQUTSISUMIK MISISSUINERIT AAMMA PAASISSUTISSAT | 12 |
| 10. | SUMIGINNAANEQ | 13 |
| 11. | QULARNAVEEQQUSIINEQ | 13 |
| 12. | NALUNAARUTIT | 13 |
| 13. | PISSUTSIT ALLAT | 14 |
| 14. | INATSIINIK TOQQAANEQ AAMMA ISUMAQATIGIISSITSINIARNEQ | 15 |

ILANNGUSSAT

| | |
|--------------------|---|
| Ilanngussaq 1.6: | Piginnittut isumaqatigiissutaat |
| Ilanngussaq 1.9: | Ataatsimeersuarnermi aalajangiinernut allattuiffik pisisunut allattuiffittaqartoq aamma malittarisassanut missingiut |
| Ilanngussaq 1.13: | Taarsigassarsititseqqinnissamut isumaqatigiissummut missingiut |
| Ilanngussaq 1.14: | Akiitsut uppersaataat Ingerlatseqatigiiffimmit Namminersorlutik Oqartussanut tunniunneqartoq tunniussinermut uppersaataqartoq |
| Ilanngussaq 1.18: | Aningaasaliinissamut pilersaarut |
| Ilanngussaq 1.23: | Taarsigassarsianut uppersaataat 94,3 mio.kr. tapiliussartaqartoq |
| Ilanngussaq 1.27: | Naalagaaffiup qularnaveeqqusiussaanut missingiut |
| Ilanngussaq 1.31 | Ammaanermik oqimaaqatigiissitsineq |
| Ilanngussaq 4.1(i) | Pilersitsinermut uppersaataat |
| Ilanngussaq 8.1: | Paasissutissiineq pingaaruteqartoq |

Aningaasaliinermut killissaliussanut isumaqatigiissut manna (“**Isumaqatigiissut**”) ulloq [] 2019 isumaqatigiissutigineqarpoq

(1) Kalaallit Airports A/S, CVR-nr. 12859724, Imaneq 33, 5. sal, 3900 Nuuk (“**KAIR**”); aamma

(2) Danskít Naalagaaffiata (**"Naalagaaffik"**)

Akornanni (KAIR aamma Naalagaaffik matuma kingorna ataatsimoortillugit taagorneqarput **"Illuatungeriit"** aammalu ataasiakkaarlugit taagorneqarlutik **"Illuatungiusoq"**),

Mittarfiit sanaartorneqarnerannut aningaasalersorneqarneranullu ilaatillugu Illuatungeriit ingerlatseqatigiiffimmi Kalaallit Airports International A/S, CVR-nr. 40149953, (**"Ingerlatseqatigiiffik"**) aningaasaliinerat pillugu.

1. NASSUIAATIT

- 1.1. **"Isumaqatigiissutit ataatsimoortut"** immikkoortoq 2.6-imi allassimasutut isumaqarpoq;
- 1.2. **"Taarsigassarsititsisoq alla"** isumaqarpoq taarsigassarsititsisoq Den Nordiske Investeringsbank-imut taarsiullugu immikkoortoq 8.2 naapertorlugu KAIR-imut taarsigassarsititsisari-aqarsimasoq.
- 1.3. **"Ilanngussaq"** isumaqarpoq Isumaqatigiissummut ilanngussat Isumaqatigiissummi ilaatin-neqartut.
- 1.4. **"Politikkikkut isumaqatigiissut"** isumaqarpoq Mittarfiit aningaasalersorneqarnissaat pillu-gu politikikkut isumaqatigiissut danskít naalakkersuisuisa aamma Naalakkersuisut akornan-ni ulloq 10. september 2018 isumaqatigiissutigineqartoq.
- 1.5. **"Tamatumá kingorna Aningaasaliineq(rit)"** isumaqarpoq Aningaasaliinernut pilersaarut naapertorlugu Illuatungeriit aningaasaliineri, Ullup piviusunngortitsiviusup kingorna pivius-unngortinneqartut.
- 1.6. **"Piginnittut isumaqatigiissutaat"** isumaqarpoq piginnittut isumaqatigiissutaat Ingerlatseqa-tigiiffik pillugu ilanngussartaqartoq, Naalagaaffiup aamma KAIR-ip akornanni isumaqatigiis-sutigineqartoq aammalu Piviusunngortinneqarnerani Namminersorlutik Oqartussanit akueri-neqartoq, ilanngussaq 1.6-itut ilanngunneqartoq.
- 1.7. **"Aningaasalersuineq"** isumaqarpoq Naalagaaffiup nammineq aningaasaatinut aallarniutitut akiliutai aamma Isumaqatigiissummi matumani nassuiarneqartutut Ingerlatseqatigiiffimmi aningaasalersuineq allatut iluseqartoq (ilanngullugu Ingerlatseqatigiiffiup akiitsuisa ilaannut qularnaveeqqusiineq).
- 1.8. **"Sioqqutsisumik Misissuinerit"** isumaqarpoq Ingerlatseqatigiiffimmik sioqqutsisumik mi-sissuinerit, Paasissutissat Pingaaruteqartut misissorneqarneranni Ulloq atsiorfiusoq sioqqul-lugu Naalagaaffimmit aamma Naalagaaffiup siunnersortaannit ingerlanneqartut.
- 1.9. **"Ataatsimeersuarnermi aalajangiinernut allattuiffik"** isumaqarpoq Ingerlatseqatigiiffim-mi immikkut ittumik ataatsimeersuarnermut, Ingerlatseqatigiiffiup tamatumunnga missingi-

ummut ilanngussaq 1.9-itut ilanngunneqartumut naapertuuttumik Ulloq piviusunngortitsiviusoq ingerlataanut, aalajangiinernut allattuiffik.

- 1.10. **”Piviusunngortinneqarnera”** isumaqarpoq immikkoortoq 5-imut naapertuuttumik Aallarniutaasumik aningaasaliinerup piviusunngortinnissaanut Naalagaaffiup Ingerlatseqatigiiffimmi aningaasaatini piginneqataassutinik pisinera.
- 1.11. **”Piviusunngortitsinernut allattuiffik”** immikkoortoq 6.4-imi allassimasutut isumaqarpoq
- 1.12. **”Ulloq piviusunngortitsiviusoq”** isumaqarpoq ulloq piumasaqaatit iliuusissallu immikkoortoq 5-imi allassimasut naammassineqarnerat.
- 1.13. **”Taarsigassarsitseqqinnissamut isumaqatigiissut”** isumaqarpoq isumaqatigiissut missingiummut ilanngussaq 1.13-itut ilanngunneqartumut naapertuuttumik Naalagaaffiup Ingerlatseqatigiiffimmut taarsigassarsiariteqqitai.
- 1.14. **”Akiitsunut uppernarsaat”** isumaqarpoq ilanngussaq 1.14-imi akiitsunut uppernarsaat, Namminersorlutik Oqartussat atugassarititaasut Akiitsunut uppernarsaammut atasumi tunniussinermut uppernarsaammi allassimasut tunngavigalugit Mittarfeqarfinni sanaartukkanik Ingerlatseqatigiiffimmut tunniussineranut Ingerlatseqatigiiffimmit Namminersorlutik Oqartussanut taarsiullugu tunniunneqartoq.
- 1.15. **”Aallarniutaasumik aningaasaliineq”** isumaqarpoq aningaasaliinerit immikkoortoq 5-imi nassuiarneqartut, Ulloq piviusunngortitsiviusoq Naalagaaffimmit aningaasaliissutigineqartut.
- 1.16. **”Piffissaq utaqqiisaasumik inissisimaffiusoq”** immikkoortoq 9.3-imi allassimasutut isumaqarpoq.
- 1.17. **”Aningaasaliinerit”** isumaqarpoq pilersitsinermi tamatumalu kingorna immikkut ittumik ataatsimeersuarnermi aallarniutitut akiliutigineqartut, takukkit imm. 3.1 aamma 3.2 aamma Aallarniutaasumik aningaasaliineq aamma Tamatuma kingorna Aningaasaliinerit.
- 1.18. **”Aningaasaliinernut pilersaarut”** isumaqarpoq Aningaasaliinernut aningaasaliinissamut pilersaarutaagallartoq, Illuatungeriinnit isumaqatigiilluni akuerineqartoq, ilanngussaq 1.18-itut ilanngunneqartoq.
- 1.19. **”KAIR-ip Ingerlatseqatigiiffik pillugu Uppernarsaaneri”** immikkoortoq 9.2-imi allassimasutut isumaqarpoq.
- 1.20. **”Mittarfiit”** isumaqarpoq Nuummi aamma Ilulissani mittarfiit.
- 1.21. **”Mittarfeqarfinni sanaartukkat”** isumaqarpoq nalilersuinernut nalunaarummi nassuiarneqartutut Nuummi aamma Ilulissani mittarfinni sanaartukkat mittarfinnut nunaminertanut pisinnaatitaaffittaartoq, ilanngussaq 1.21-itut ilanngunneqartoq.

- 1.22. **”Taarsigassarsinissamut isumaqatigiissut”** isumaqarpoq Mittarfiit ineriartortinnissaannut, sanaartornissamut ingerlatsinermullu atugassanik Den Nordiske Investeringsbank-imut (imaluunniit Taarsigassarsititsisumut allamut, takuuk immikkoortoq 8.2) DKK 450.000.000-inik taarsigassarsiat killeqartillugit taarsigassarsinissamut isumaqatigiissut.
- 1.23. **”Taarsigassarsianut uppernarsaat”** isumaqarpoq Namminersorlutik Oqartussat aamma KAIR-ip akornanni isumaqatigiissutigineqaqqaartut, Namminersorlutik Oqartussat akisussaasutut taarsigassarsiarititaat DKK 94.300.000 ilanngussaq 1.23-tut ilanngunneqartumik tapiliussartaqartut aammalu tamatumunnga naapertuuttumik ernialersorneqartut, Ingerlatseqatigiiffimmi aningaasaatit qaffanneqarnerannut atatillugu KAIR-imit Ingerlatseqatigiiffimmut aningaasaqarnikkut atugassarititaasut allanngortinnagit taarsigassarsisunngorlugu tunniunneqartut pillugit akisussaasutut taarsigassarsianit aningaasaatinut tunngatillugu akiitsunut uppernarsaat.
- 1.24. **”Taarsigassarsititsisoq”** isumaqarpoq Taarsigassarsinissamut isumaqatigiissut naapertorlugu taarsigassarsititsisoq.
- 1.25. **”Ingerlatseqatigiiffiup Aningaaserivimmi kontua”** isumaqarpoq Bank Nordik Ingerlatseqatigiiffiup Aningaaserivimmi kontua nalunaarsorneqarnera normoqartoq 8120 aamma kontu normoqartoq 3062403305, imaluunniit kontu alla Ulloq piviusunngortitsiviusoq kingusinnerpaamik ulluinnarnik tallimanik (5) sioqqullugu Ingerlatseqatigiiffimmit innersuunneqartoq.
- 1.26. **”Namminersorlutik Oqartussat”** isumaqarpoq Namminersorlutik Oqartussat.
- 1.27. **”Naalagaaffimmit qularnaveeqqusiineq”** isumaqarpoq Ingerlatseqatigiiffiup missingiummut ilanngussaq 1.27-tut ilanngunneqartumut naapertuuttumik Taarsigassarsinissamut isumaqatigiissutip ataani pisussaaffimminik naammassinninnissaanut Taarsigassarsititsisumut Naalagaaffiup qularnaveeqqusiussassaa.
- 1.28. **”Ulloq atsiorfiusoq”** isumaqarpoq Illuatungeriit atsiorerannut aammalu Isumaqatigiissut isumaqatigiissutiginerannut ulloq.
- 1.29. **”Malittarisassat”** isumaqarpoq Ingerlatseqatigiiffimmut malittarisassat, Ataatsimeersuarnermi aalajangiinernut allattuiffik (ilanngussaq 1.9-imi ilaatinneqartoq) naapertorlugu Piviusunngortitsinermut atatillugu akuerineqartut;
- 1.30. **”Paasissutissiineq pingaaruteqartoq”** immikkoortoq 9.1-imi allassimasutut isumaqarpoq
- 1.31. **”Ammaanermi oqimaaqatigiissitsineq”** immikkoortoq 3.1-imi allassimasutut isumaqarpoq.

2. TUNNGAVIUSOQ AAMMA SIUNERTAQ

- 2.1. 2.1 Kalaallit Nunaanni attaveqatigiinnerup pitsanngorsarneqarnissaa nutarterneqarnissaalu aammalu inuussutissarsiornerup ineriartortinneqarnerata nukittorsarneqarnissaa siunertaralugit Kalaallit Nunaanni mittarfinnik arlalinnik sanaartornissaq pillugu Inatsisartut 2015-imi ukiaanerani tunngaviusumik aalajangerput. Naalackersuisut Nuummi, Ilulissani aamma Qaqortumi mittarfinni nutaanik pingasunik sanaartornermik ingerlatsinermillu isumaginnitussatut KAIR 2016-imi pilersippaat. KAIR 100 %-imi Namminersorlutik Oqartussanit pigineqarpoq.
- 2.2. Nuummi aamma Ilulissani mittarfiliassanut suliassani danskit suleqataanissaat pillugu kiisalu Kalaallit Nunaata aamma Danmarkip akornanni inuussutissarsiornermi suleqatigiinnerup nukittorsarneqarnissaa pillugit Danmarkimi naalackersuisut aamma Naalackersuisut ulloq 10. september 2018 Politikkikkut isumaqatigiissuteqarput.
- 2.3. Naalackersuisut peqatigalugit suliassat Kalaallit Nunaata ineriartortinneqarneranut anertuumik pingaaruteqarsinnaasut pillugit suleqatigiinnissamik danskit naalackersuisuisa tunngaviusumik kissaateqarnera, Politikkikkut isumaqatigiissuteqarnermut tunngaviuvoq. Aammattaq Naalagaaffiup naalagaaffeqatigiinnermut kiisalu Kalaallit Nunaanni attaveqatigiinnermi nutarterinissamut aamma ajornartoorfeqarnerup pitsanngorsarnissaanut tapersiinissamik kissaateqarneranut, isumaqatigiissut takussutissaavoq.
- 2.4. Politikkikkut isumaqatigiissummut naapertuuttumik Naalagaaffik Mittarfiit aningaasalersorneqarnerannut peqataavoq. Namminersorlutik Oqartussat aamma KAIR aalajangerput Ingerlatseqatigiiffiup, KAIR-imut ingerlatseqatigiiffittut immikkoortortaqarfittut 100 %-imik pigineqarluni pilersinneqartup, taakkunani sanaartorneq, aningaasalersuineq aamma ingerlatsineq isumagissagaa.
- 2.5. Isumaqatigiissut manna Illuatungeriit Ingerlatseqatigiiffimmut nammineq aningaasaatinik pissarsititsinissaasa piviusunngortinnissaa siunertaralugu isumaqatigiissutigineqarpoq.
- 2.6. Isumaqatigiissut isumaqatigiissutit arlallit ataatsimoortut, Politikkikkut isumaqatigiissutip imarisaannik piviusunngortitsisussat, ilaattut isumaqatigiissutigineqarpoq. Isumaqatigiissutit ataatsimoortut Ingerlatseqatigiiffimmut Piginnittut isumaqatigiissutaata aamma malittarisassat saniatigut tassaapput, Isumaqatigiissut manna, Taarsigassarsititseqqinnissamut isumaqatigiissut aamma Naalagaaffimmit qularnaveeqqusiineq, Illuatungeriit akornanni isumaqatigiissutigineqartut, Isumaqatigiissutip matuma Piviusunngortinneqarneranut peqatigitillugu Naalagaaffimmit tunniunneqartut, imaluunniit Isumaqatigiissummi matumani atugassarititaasunut naapertuuttumik isumaqatigiissutigineqartussat imaluunniit tunniunneqartussat (**"Isumaqatigiissutit ataatsimoortut"**).

3. INGERLATSEQATIGIIFFIMMI ANINGAASAATINUT TUNNGASUT

3.1. Ingerlatseqatigiiffiup pilersinneqarnerani Ingerlatseqatigiiffik DKK 500.000-inik aningaasanngorlugit aningaasaliiffigineqarpoq. Tamatuma kingorna immikkut ittumik ataatsimeersuarnermi suliassamut pisinnaatitaaffiit ilaalu ilanngullugit kiisalu KAIR-imit aningaasanngorlugit aallarniutitut akiliutit Ammaanermi oqimaaqatigiissitsinermi nalilersuinermit nalunaaruti-taqartumi erseqqinnerusumik nassuiarneqartut, aallarniutitut akiliutigineqarput.

3.2. Pilersitsereernerup aammalu immikkut ittumik ataatsimeersuareernerup kingorna aammalu Aallarniutaasumik aningaasaliinerup ingerlanneqarnissaa sioqqutitsiarlugu Ingerlatseqatigiiffiup ataatsimut katillugu ingerlatseqatigiiffimmi aningaasaatai aalajangersimasut DKK 5.000.000-inik annertussuseqarput, aalajangersimasunik DKK 1-kkaanik imatut agguarlugit aningaasaatini piginneqataassutinut 5.000.000-inut agguarsimallutik:

| Aningaasaatinik piginnittoq | Aningaasaatit allarniutaasumik akiliutigineqartut (DKK) | Ingerlatseqatigiiffiup aningaasaatai aalajangersimasut (DKK) | Piginneqataassut (%) (iluitsunngorlugit) |
|------------------------------------|--|---|---|
| KAIR | 151.700.000 | 5.000.000 | 100 |
| I alt | 151.700.000 | 5.000.000 | 100 |

3.3. Aningaasaliinerit, Illuatungeriit Isumaqaatigiissut manna naapertorlugu piviusunngortissallugit pisussaaffigisaasa, taakkunannga aningaasaatinut allarniutissatut akiliutit imm. 5.2-imi nassuiarneqartut taamaallaat Naalagaaffimmeersussanit siullersaallutik, piviusunngortinneqareernerisa kingorna Ingerlatseqatigiiffiup ataatsimut katillugu pilersinneqareernerminiilli DKK 2.100.000.000-inik aningaasaateqalernera, imatut agguarsimavoq:

| Aningaasaatinik piginnittoq | Aningaasaatit allarniutaasumik akiliutigineqartut (DKK) | Piginneqataassut (%) (iluitsunngorlugit) |
|------------------------------------|--|---|
| KAIR | 1.400.000.000 | 66,67 |
| Naalagaaffik | 700.000.000 | 33,33 |
| Katillugit | 2.100.000.000 | 100,00 |

3.4. Aningaasaliinerit kingunerisaannik taamaalilluni Ingerlatseqatigiiffimmi aningaasaatinik piginneqataassutinik nutaanik tunniussisoqassaaq, arlaleriarluni aammalu Ingerlatseqatigiiff-

fimmi imm. 7 naapertorlugu piumasaqaateqarneq malillugu Ingerlatseqatigiiffimmi aningaasaatit qaffanneqarnerisigut Illuatungeriinnit katillugit DKK 1.948.800.000-inik aningaasangorlugit akiliinikkut, pisiarineqartussanik, taakkunannga DKK 700.000.000 Naalagaaffimmit akilerneqassallutik aammalu DKK 1.248.300.000 KAIR-imit akilerneqassallutik.

4. ISUMAQATIGIISSUTIP NAAMMASSINEQARNISSAANUT PIUMASAQAATIT

4.1. Isumaqatigiisummut piumasaqaataavoq piumasaqaatit makkua (**"Piumasaqaatit"**) kingusinnerpaamik Ulloq piviusunngortitsiviusoq naammassineqarsimassasut:

- (i) Ingerlatseqatigiiffik pilersitsinermut uppersaammum ilanngussaq 4.1(i)-itut ilanngunneqartumut naapertuuttumik atuuttussamik pilersinneqarsimassasoq aammalu Erhvervsstyrelsen-imi nalunaarsorsimassasoq;
- (ii) Taarsigassarsinissamut isumaqatigiisummi taarsigassarsianut neqeroorummut missingiut pigineqartoq taamaallaat Naalagaaffiup Naalagaaffimmit qularnaveeqqusiinissaanik piumasaqaatitaqartinneqassasoq;
- (iii) Ingerlatseqatigiiffiup Akiitsunut uppersaammik tunniussineratigut, Mittarfeqarfinni sanaartukkat tunniussinermut uppersaammik Akiitsunut uppersaammik ilaasumi nassuiarneqartut tunniunneqarnissaat pillugu Namminersorlutik Oqartussat aamma Ingerlatseqatigiiffiup akornanni isumaqatigiisuteqartoqarsimassasoq;
- (iv) Taarsigassarsianut uppersaamat tapiliussartaqartoq Namminersorlutik Oqartussanit, KAIR-imit aamma Ingerlatseqatigiiffimmit sukumiisumik atsiorneqarsimassasoq, KAIR-ip Taarsigassarsianut uppersaamatip ataani pisinnaatitaaffii pisussaaffiilu Ingerlatseqatigiiffimmut tunniunneqartut allassimasalluni.
- (v) Allagaatit Isumaqatigiisummut tunngassuteqartut inaarutaasumik Folketing-ip Aningaasaqarnermut ataatsimiititaliaanit akuerineqarsimassasut;
- (vi) Isumaqatigiisut Naalakkersuisunit inaarutaasumik akuerineqarsimassasoq;
- (vii) KAIR-ip Ingerlatseqatigiiffik pillugu Uppersaanagerisa Piviusunngortitsinerup nalaani eqqunngitsuunerinik malitseqartumik pisoqarsimassanngitsoq;

5. NAALAGAAFFIUP AALLARNIUTAASUMIK ANINGAASALIINERA

- 5.1. Naalagaaffik Piviusunngortitsinermi immikkoortoq 5.2 malillugu atugassarititaasut aamma piumasaqaatit tunngavigalugit Ingerlatseqatigiiffimmi aningaasaatini piginneqataassutinik pisissaaq.
- 5.2. Naalagaaffik Aallarniutaasumik aningaasaliinermi aalajangersimasunik DKK 2.500.000-inut Ingerlatseqatigiiffimmi aningaasaatini piginneqataassutinik pisissaaq, aningaasannorlugit DKK 75.850.000-inik aallarniutaasumik akiliuteqarluni. Illuatungeriit aallarniutaasumik aki-liutaat tamatuma kingorna makkuupput:

| Aningaasaatinik piginnittoq | Ingerlatseqatigiiffiup aningaasaatai aalajangersimasut (DKK) | Aningaasat aallarniutitut akiliutigineqartut (DKK) | Pisereernerup kingorna piginneqataassutit katillugit (%) (iluitsunngorlugit) |
|------------------------------------|---|---|---|
| KAIR | 5.000.000 | 151.700.000 | 66,67 |
| Naalagaaffik | 2.500.000 | 75.850.000 | 33,33 |
| Katillugit | 7.500.000 | 227.550.000 | 100,00 |

Aallarniutaasumik aningaasaliineq kurs 3.034-mut (iluitsunngorlugit) pissaaq, Ingerlatseqatigiiffimmi DKK 1-kkaartunik aningaasaatini piginneqataassummut ataatsimut DKK 30,34-inik akiliuteqarnertut annertussusilinnik.

Aammattaq Naalagaaffiup Aallarniutaasumik aningaasaliinermut atatillugu aningaasaatini piginneqataassutinik pisineq atugassarititaasut piumasaqaatillu Ataatsimeersuarnermi aalajangiinernut allattuiffimmi allassimasut tunngavigalugit ingerlanneqassaaq.

6. PIVIUSUNNGORTITSINEQ

- 6.1. Piumasaqaatit naammassineqarsimappata Piviusunngortitsineq ulloq 21. marts 2019, nal. 11 (Kalaallit Nunaata kitaani nalunaqutaq), uani Finansministeriet/Kalaallit Nunaata Sinni-isoqarfia, imaluunniit piffissami aamma/imaluunniit sumiiffimmi Illuatungeriit isumaqatigisutigisimasinnaasaanni, pissaaq.

6.2. KAIR-ip Piviusunngortitsinermi pisussaaffii

- 6.2.1. Piviusunngortitsinermi KAIR-ip:

- (i) Ingerlatseqatigiiffiup siulersuisuinit uppersaat saqqummiutissavaa, tassani uppersaarneqarsimassalluni KAIR-ip Ingerlatseqatigiiffik pillugu Uppersaaneer Piffissami utaqqiisaasumik inissisimaffiusumi piffissani tamaginni qimerloorneqarsimasut eqqortuusullu.
- (ii) Taarsigassarsinissamut isumaqatigiissut inaarutaasumik isumaqatigiissutigineqareersimappat, Taarsigassarsinissamut isumaqatigiissut (i) Taarsigassarsititsisumit aamma (ii) Ingerlatseqatigiiffimmit sukumiisumik atsiorneqarsimasoq marlungorlugu saqqummiutissavaa.
- (iii) Taarsigassarsititseqqinnissamut isumaqatigiissut Ingerlatseqatigiiffimmit sukumiisumik atsiorneqarsimasut marlungorlugu saqqummiutissavaa.
- (iv) USB-nøglit marluk Paasissutissat Pingaaruteqartunik imaqtut marluk saqqummiutissavai, taakkunanga ataaseq Naalagaaffimmut tunniutissallugu.
- (v) Ingerlatseqatigiiffimmi Ataatsimeersuarnermi aalajangiinernut allattuiffimmi nassuiarneqtutut imaqtumik immikkut ittumik ataatsimeersuarnermik ingerlatsissaaq.
- (vi) Ingerlatseqatigiiffiup piginnittunut allattuiffiata assilina saqqummiutissavaa, tassani allassimassalluni, (i) Ingerlatseqatigiiffimmi piginnittuunermut tunngasut immikkoortoq 5.2-mi allassimasunut naapertuuttut, (ii) Ingerlatseqatigiiffimmi aningaasaatini piginneqataassutit akiitsoqarfigineqanngitsut aamma (iii) aningaasaatini piginneqataassutit pillugit piginnittut isumaqatigiissutaat isumaqatigiissutigineqareersimasoq.

6.3. Naalagaaffiup Piviusunnortitsineri pisussaaffii

6.3.1. Piviusunnortitsineri Naalagaaffiup:

- (i) Taarsigassarsinissamut isumaqatigiissut inaarutaasumik isumaqatigiissutigineqarsimappat, Naalagaaffimmit qularnaveeqqusiineq Taarsigassarsititsisumut qularnaveeqqusiunneqarsimasoq uppersaat saqqummiutissavaa. Taarsigassarsinissamut isumaqatigiissut inaarutaasumik isumaqatigiissutigineqarsimangippat, Naalagaaffiup Taarsigassarsititsisumut Naalagaaffimmit qularnaveeqqusiinissamut eqqarsaatigineqtumut missingiut saqqummiutissavaa.
- (ii) Taarsigassarsititseqqinnissamut isumaqatigiissut Naalagaaffimmit sukumiisumik atsiorneqarsimasoq marlungorlugu saqqummiutissavaa.

- (iii) Naalagaaffiup Ingerlatseqatigiiffimmi aningaasaatini piginneqataassutai 2.500.000-it immikkoortoq 5.2-imi atugassarititaasut naapertorlugit Aallarniutaasumik aningaasaliinermut ilaatillugit, pisinermut allattuiffiup atsiornertigut, pisiarissavai.
- (iv) Naalagaaffiup Aallarniutaasumik aningaasaliineranut pisinermut aningaasartat DKK 75.850.000 Ingerlatseqatigiiffiup Aningaaserivimmi kontuanut Ulloq piviusunnngortitsiviusoq atuutilersumik nuussavai.

6.4. Ataatsikkoornissaq

- 6.4.1. Piviusunnngortitsineq, piviusunnngortitsinernut allattuiffimmi uppersarnerqassaaq, taanna iliuusissat immikkoortoq 6.2-imi aamma 6.3-imi allassimasut Illuatungiusup tiguisussap naammagisimaagaanik piviusunnngortinneqareerata Illuatungeriinnit atsiorneqassalluni (**”Piviusunnngortitsinernut allattuiffik”**).
- 6.4.2. Pisussaaffiit immikkoortoq 6.2-imi aamma 6.3-imi allassimasut Piviusunnngortitsinernut allattuiffiup atsiorneqarnerata nalaani peqatigisaanik naammassineqarsimasutut isigineqassapput. Taarsigassarsinissamut isumaqatigiisummut missingiummik soqanngippat, Piviusunnngortitsineq pissasoq KAIR-ip Naalagaaffik akuersiteqqaarnagu piumasarinnaavaa, takuuk imm. 8.
- 6.4.3. KAIR Piviusunnngortitsinernut allattuiffimmut missingiummik suliaqassaaq, taanna kingusinnerpaamik Ulloq piviusunnngortitsiviusussatut pilersaarutigineqartoq ulluinnarnik 5-inik sioqqullugu Naalagaaffimmut nassinneqassalluni.

6.5. Nalunaarsuinerit

- 6.6. KAIR-ip Piviusunnngortitsinerup kingunitsianngua, aammalu Ingerlatseqatigiiffinnut inatsimmut naapertuuttumik, Erhvervsstyrelsen-imi pissutsit makkua nalunaarsortissavai:
 - (a) (i) Aningaasaatinik qaffaanissaq, (ii) malittarisassanik allannngortitsinerit, aamma (iii) Ingerlatseqatigiiffiup siulersuisuini allannguutit pillugit aalajangiinerit immikkut ittumik ataatsimeersuarnermi akuerineqartut;
 - (b) Ingerlatseqatigiiffiup inatsisitigut piginnittuini allannngortitsineq.

7. TAMATUMA KINGORNA ANINGAASALIINERIT

- 7.1. Aningaasaliinernut pilersaarutip iluani Tamatuma kingorna Aningaasaliinerit aammalu KAIR-ip aamma Naalagaaffiup pisussaaffiit annerpaaffissaliussat taassuma imarisaasa piviusunnngortinneqarnissaat kiisalu taamatut iliuuseqarnissaq aamma siunnersuutitut tamatuma piviusunnngortinneqarnissaanut pisariaqarsinnaasunut taamaattunut Ingerlatseqatigiiffiup ata-

atsimeersuarnerani taasinissaq Illuatungeriit pisussaaffigaat, Tamatuma kingorna Ingerlatseqatigiiffimmit piumasaqaatit malillugit aningaasartai aammalu akiliinermi piffissaq, siusinnerpaamik piumasaqaateqarnerup kingorna sapaatit akunnerisa 8-it qaangiunneranni pisinnaasoq, allallugit Aningaasaliinerit tamarmik immikkut pissallutik.

- 7.2. Taamaattoq immikkoortoq 7.1 apequtaatinnagu Illuatungiusup aappaata Piginnittut isumaqatigiissutaannik sumiginnaappat aammalu Illuatungiusup sumiginnaanngitsup sumiginnaaneq pillugu Illuatungiusumut sumiginnaasumut allakkatigut nalunaaruteqareernerata kingorna kingusinnerpaamik ullut 30-it qaangiunneranni sumiginnaaneq taanna unitsinneqarsimanngippat, Tamatuma kingorna Aningaasaliinerit pisussat suli pisimanngitsut ingerlannissaannut Illuatungiusoq pisussaaffeqanngilaq.

8. TAARSIGASSARSINISSAMUT ISUMAQATIGIISSUT

- 8.1. Den Nordiske Investeringsbank-imut Taarsigassarsinissamut isumaqatigiissut pillugu unneqqarissumik isumaqatigiinnissap anguniarnissaanut KAIR pisussaaffeqarpoq. Tamanna kissaatigineqarpat ajornanngippallu Den Nordiske Investeringsbank-imut isumaqatiginninniarnernut taamaaqataanik unneqqarissumik taperseeqataanissamut Naalagaaffik pisussaaffeqarpoq.
- 8.2. Den Nordiske Investeringsbank aamma KAIR ulloq 1. september 2019 tikitsinnagu, illuatungeriit unneqqarissumik isumaqatigiinniarsarigaluartut, Taarsigassarsinissamut isumaqatigiissut pillugu isumaqatigiissimanngippata, Illuatungeriinni politikikkut isumaqatigiissummut naapertuuttumik, aningaasaqarnermut ministerip aamma aningaasaqarnermut naalakkersuisup allatut aningaaserivimmi aningaasalersuinissaq pillugu oqaloqatigiinnerit aallartissavaat, tassani KAIR akuutinneqassalluni. Periarfissatut ilusiliami tassani, tamanna pillugu aningaasaqarnermut ministeri aamma aningaasaqarnermut naalakkersuisoq tamanna pillugu isumaqatigiissimappata, taarsigassarsititsisussamut allamut atugassarititaasut taamaaqatai tunngavigalugit qularnaveeqqusiiniarluni Naalagaaffiup uppersarsassavaa.

9. SIOQQUTSISUMIK MISISSUINERIT AAMMA PAASISSUTISSAT

- 9.1. Ingerlatseqatigiiffik tassungalu tunngasut pillugit paasissutissat, KAIR-ip Naalagaaffimmut atugassiissutigisimasai kiisalu paasissutissat annertunerusut tamatuma saniatigut Naalagaaffiup ujjartorsimasai aammalu KAIR-ip atugassiissutigisimasai (ataatsimoorlutik ”**Paasissutissat Pingaaruteqartut**”) aallaavigalugit Naalagaaffiup aamma Naalagaaffiup siunnersortaasa Isumaqatigiissuteqarnissaq sioqqullugu Ingerlatseqatigiiffimmi killilimmik inatsisilerinikkut aamma aningaasaqarnikkut Sioqqutsisumik Misissuippat. Paasissutissat Pingaaruteqartut assilineri ilanngussaq 9.1-itut USB nøgle-mi ilanngunneqartumiippat.
- 9.2. KAIR paasissutissiivoq Paasissutissat Pingaaruteqartut pingaarnerpaatigut eqqortuusut aammalu Ingerlatseqatigiiffik tassanilu ingerlatassatut naatsorsuutigineqartut pillugit naleqquttumik eqqortumillu takussutissiisut, aammalu KAIR-ip Naalagaaffimmut paasissutissiisussaati-taanini unneqqarissumik naammassisimagaa.

- 9.3. KAIR Ingerlatseqatigiiffimmi aktiaatinik 100 %-imik piginnittutut uppersaavoq, (i) Ingerlatseqatigiiffik pilersinneqarnerminiit Piviusunngortitsinerup tungaanut (**"Piffissaq utaqqiisaasumik inissisimaffiusoq"**) piffissami pisinnaatitaanerit tunniunneqartut aallaavigalugit taamaallaat Mittarfiit il.il. sanaartornissaannut pilersaarusiorneq kisiat ingerlateqqissagaa, (ii) Piffissami utaqqiisaasumik inissisimaffiusumi Ingerlatseqatigiiffimmi aningaasaatini piginneqataassutinik (imaluunniit taamaattunut atasunik taasisinnaatitaanernik) allamut avataaneersumut tunniussisoqassanngitsoq imaluunniit allatigut allamut avataaneersumut pisinnaataaffinnik Ingerlatseqatigiiffimmi aningaasaatini piginneqataassutinik pisinissamut maannakut pisinnaatitsisussanik imaluunniit pisinnaatitsisinnaasunik tunniussisoqassanngitsoq, ilanngullugit aktiaatinik suli pisiarineqarsinnaalinngitsunik imaluunniit aktiaatinik qinigassinneqarluni periarfissiinernik atuinnikkut imaluunniit Ingerlatseqatigiiffimmi aningaasaatini piginneqataassutinut akiitsunik allanngortitsinikkut aamma (iii) Piffissami utaqqiisaasumik inissisimaffiusumi Ingerlatseqatigiiffimmi aningaasaatini piginneqataassutit (tamakkiisut imaluunniit ilai) imaluunniit Ingerlatseqatigiiffiup pigisai nalillit (uppersaanerit taamaattut ataatsimoortillugit taagorneqarput **"KAIR-ip Ingerlatseqatigiiffik pillugu Uppersaaneeri"**) qularnaveequsiullugit taarsigassarsisoqassanngitsoq.

10. SUMIGINNAANEQ

- 10.1. Isumaqatigiissutip matuma sumiginneqarnerata malitsigisaanik annasaqartitsinernut Illuatungeriit Kalaallit Nunaanni inatsisini maleruagassat nalinginnaasut naapertorlugit Illuatungiusup aappaanut akisussaasuupput, taamaattoq toqqaannangitsumik annasaqarnernut Illuatungeriit akisussaasuussanatik.
- 10.2. Immikkoortoq 10.1 naapertorlugu taarsiissuteqarnissaq Illuatungeriit sumiginnaanermi piginnaatitaaffituaraat, aammalu Illuatungeriit taamaallitut Isumaqatigiissutip atorunnaarsinnaasanut imaluunniit Illuatungiusup sumiginnaanerata malitsigisaanik annertoqqataanik annikillileriffiqineqarnissamik piumasaqaateqarnissamik pisinnaatitaanngillat, Illuatungiusup Isumaqatigiissummik piaraluni annertuumik sumiginnaanerit *eqqaassanngikkaanni*, taamatut pisoqarnerani Illuatungiusup sumiginnaannngitsup sumiginnaanermut piginnaatitaanerit, inatsisit imaluunniit isumaqatigiissut naapertorlugit piginnaatitaaffigisami, tamaasa atornissaannut pisinnaatitaavoq.

11. QULARNAVEEQQUSIINEQ

- 11.1. Namminersorlutik Oqartussat KAIR-ip Isumaqatigiissut naapertorlugu aningaasaliinissamik pisussaaffeqarnerminik naammassinninnissaanut nammineerluni pisussaasutut Naalagaaffimmut qularnaveeqqusiipput.

12. NALUNAARUTIT

- 12.1. Illuatungeriit tamarmik immikkut inummik Illuatungiusut Isumaqatigiissummut tunngatillugu aallartitaatut atuuttussamik, aammalu Isumaqatigiissut naapertorlugu imaluunniit Ingerlat-

seqatigiiffik pillugu attaveqaqatigiinnerni tamaginni kiffaanngissuseqarnermik sunniuteqartumik attavigineqarsinnaasumik (**"Illuatungiusumit aallartitaq"**) toqqaassapput.

Isumaqatigiissutip isumaqatigiissutigineqarnerata nalaani inuit makkua Illuatungiusumit aallartitatut toqqaagaapput:

KAIR sinnerlugu: Jóhannus Egholm Hansen

Naalagaaffik sinnerlugu: Adrian Lübbert.

13. PISSUTSIT ALLAT

13.1. Isumaqatigiissut tamakkiisoq

Isumaqatigiissut Ilanngussat ilanngullugit tassaavoq Ingerlatseqatigiiffimmi Illuatungeriit aningaasaliinerinut tunngatillugu Illuatungeriit akornanni isumaqatigiissut tamakkiisoq. Isumaqatigiissutip aamma Ilanngussat imarisai imminnut naapertuutinnngissagaluarpata, Piginittut isumaqatigiissutaat aamma tulliullugu Malittarisassat atuutilernerminniit salliusussaanerat eqqaassanngikkaanni, Isumaqatigiissut salliutinneqassaaq.

13.2. Pisinnaatitaaffinnik attassineq

Illuatungiusup pisinnaatitaaffimmik imaluunniit piginnaatinneqarnermik, inatsisit imaluunniit Isumaqatigiissut manna naapertorlugu taassuma pisussaaffigisaanik, atuinissamik kinguaattoornera imaluunniit atuinngitsoornera, Isumaqatigiissummi matumani erseqqissumik allamik allassimasoqanngippat, Illuatungiusup pisinnaatitaaffimmik imaluunniit piginnaatitaanermik atuutsisisinnaatitaaneranut sunniissanngilaq.

13.3. Tunniussisoqassanngilaq

Illuatungiusup Isumaqatigiissut manna naapertorlugu, Illuatungiusup aappaa sioqqutsisumik allaganngorlugu akuersiteqqaarnagu, pisinnatitaaffini pisussaaffinilu allamut tunniuteqqusaanngilai.

13.4. Aningaasartuutit

Illuatungiusut tamarmik immikkut Isumaqatigiissutip isumaqatiginninniutigineqarneranut isumaqatigiissutigineqarneranullu atatillugu siunnersortinut nammineq aningaasartuutitik akilissavaat, taamaattoq Namminersorlutik Oqartussat nammineq eqqartuussissuserisumik ikior-teqarnertik akilissallugu.

13.5. Allannguutit

Isumaqatigiissummut matumunnga allannguutit imaluunniit ilanngussat sulluunniit allaganngorsimassapput aammalu Illuatungeriinnit tamaginnit atsiorneqarsimassallutik.

13.6. Ilaanakortumik atuuttussaanginnera

Isumaqatigiissummi aalajangersagaq ataaseq atuuttussaangitsutut isumaqarfigineqassagaluarpat imaluunniit allanik pissuteqartumik atuutsinneqarsinnaangippat, Illuatungeriit unneqqarissumik isumaqatigiissut allanngortinniarsarissavaat, taamaalilluni taanna sapinngisamik annertunerpaamik Isumaqatigiissutip atsiqatigiissutigineqarnerata nalaani Illuatungeriit siunertaannut naapertuutissalluni.

13.7. Isumaqatigiissutip assingi

Isumaqatigiissut allaqqaarnera assigiimmik allassimasoq pingasunngorlugu atsiorneqarpoq, taakkunanga Illuatungiusut tamarmik immikkut kiisalu Namminersorlutik Oqartussat ataatsimik tigusaqarlutik.

14. INATSIKINIK TOQQAANEQ AAMMA ISUMAQATIGIISSITSINIARNEQ

14.1. Isumaqatigiissut Kalaallit Nunaanni inatsisit ataaniippoq.

14.2. Illuatungeriit akornanni imaluunniit Isumaqatigiissummut tunngatillugu aaqqiagiinngissuteqarnerit sulluunniit, Isumaqatigiissitsiniartarfimmi isumaqatigiissitsiniarnermut sulianik suliarinninnermut Maleruagassat aalajangersarneqartut, Illuatungiusup Isumaqatigiissitsiniartarfimmut naammagittaalliornermut allakkiamik tunniussinerata nalaani atuuttut, atorlugit, Isumaqatigiissitsiniartarfimmi isumaqatigiissitsiniarnikkut aalajangiiffigineqassapput.

14.3. Isumaqatigiissitsiniarnermut eqqartuussivik Kalaallit Nunaanni pilersinneqassaaq.

Aningaasaliinernut Killissaliussanut isumaqatigiissummut atsiornerit

Ulloq:

Kalaallit Airports Holding A/S
sinnerlugu:

Johánnus Egholm Hansen,
Siulersuisuni siulittaasoq

Peter Angutinguaq Wistoft,
Pisortaq

Naalagaaffik sinnerlugu:

Peder Lundquist,
Immikkoortortaqarfimmi pisortaq

*Kalaallit Airports A/S-imi 100 %-imik piginnittut aammalu illuatungiusutut
politikkikkut akisussaasuusutut Isumaqatigiissummi immikkoortoq II
(Qularnaveeqqusiineq) akuerineqarpoq*

Namminersorlutik Oqartussat
sinnerlugit:

Søren Hald Møller, Naalakkersuisut
Siulittaasuata
Naalakkersuisoqarfiani pisortaaneq